

重修僊居縣志卷十九目錄

詩內編一

唐 項斯 送歐陽袞歸閩中 題令狐處士谿居 送僧歸南嶽 蠻家 蒼梧雲氣 宿胡氏溪亭 送華陰隱者

者 欲別 留別張郎中 小古鏡 題太白山隱者 病中懷王展先輩在天台 邊州客舍 邊游 夜泊淮陰 遠水 寄坐夏僧 寄盧式 泛溪 送顧少府 華頂道者 送友人之永嘉 荆州夜與友親相遇 送友人之江南 歸家山行 長安書懷呈知己 途中逢友人 和李中丞 杭州江亭留題以上

五律二十九首 宿山寺 送宮人入道 山行以上 七律三首 憶朝陽峯前居 落第後歸觀喜逢僧再 陽以上五排二首 江村夜泊 寄韋秀才 小院以上五絕三首 贈別 七絕一首 共詩三十八首

孫郃 古意二首 五古 春日早朝 七律 長信宮 七絕

宋 林放 東山高臥 七古 贈琴僧

重修僊居縣志 卷十九 詩內編目錄

蔣旦 柘川漁火 七律

孟大武 春日晚望 七絕

吳芾 和陶勸農韻 勉吾鄉之學者 六章 和陶命子韻 示

和陶送陳順之赴宮 以上四言二首 和陶寄朱元晦

中二首 和陶韻 貧士 七首 和陶哭陳澤民 和陶寄陳時

風呈江朝宗 寄題楊宰清畏軒 和陳國佐亦愛堂 韻 和王夷仲詠施粥 送機簡堂 荅客難 湖山

遣興 紀夢 家人生朝 生朝偶成 送津兒之官 麗水 以上五古 二十四首 哭元帥宗公澤 癸巳歲

幾 紀事 詠海棠 王若夫水晶葡萄 寄劉與權與 和胡經仲即事 錄一 勸耕石城 錄二 和王夷仲

韻 和魯漕喜雨韻 以上五律六首 和王夷仲雪中 見貽 三月十一日風電 送王龜齡得請還鄉 錄一

春閱 偶成 三首 得三七舍姪書 見市上有賣海 棠者 悵然有感 福唐余侔有詩及夢小詩 紀之 余

年七十 和樂天詩 再和錄二 謝子肅和余詩次韻

榮者 悵然有感 福唐余侔有詩及夢小詩 紀之 余

謝之澤民作詩相示及其意以和之二首 和孟世
功二首 湖上遣興 和吳致政韻 寄陳叔進 寄
陳邦彥二首 余以庚寅十月歸今恰三年三律錄一
以上七律二十三首 北望四首 建康值雨以上七
絕五首 共詩六十六首湖山集

陳庸 江左驛舍寄蔣文湖七絕

蔣晉 柘川漁火七古

郭晞宗 長歌行五古 傷歌行長短句 姑蘇臺 白紵
歌 客中雨示徐元杰五律 簡蔣通判旦二首

五絕 與谷口對菊 共詩八首三台文獻詩錄

陳作新 大廟靈泉亭五古

郭磊卿 寄澗泉韓仲止二首五古 題顧德清竹居五律
挽吳監嶽七律 偶題七絕 共詩五首

郭嘉卿 恭和聖製七律

重修僊居縣志 卷十九 詩內編目錄

吳梅卿 早梅五古

吳機 題煙雨奇觀樓七律

吳諒 同友玩月南峯五律

鄭雄飛 歸田卽事七律

張同甫 秋日憶友七絕

陳仁玉 題蘇端明書乳泉賦後五古 遊洞霄宮七律

陳柏 花石行七古 思親七絕

趙時卓 武夷五律 萬壽 中秋寄碧樓五律
絕句七絕

僧行機 九日吳龍圖過訪五律

僧清壹 寄無著五律 寄萬前輩七律

右共二十三家詩一百四十四首

重修僊居縣志卷之十九

詩內編一

唐 項斯 字子遷會昌進士官丹徒尉有詩集一卷

送歐陽袞歸閩中

春城幾年住猶著故鄉衣失意時相識成名後獨歸海棠蠻樹
黑嶺夜瘴禽飛爲學心難滿知君更掩扉

題令狐處士谿居

白髮已過半無心離此溪病嘗山藥徧貧起草堂低爲月牕從
破因詩壁重泥近來常夜坐寂寞與僧齊

送僧歸南嶽

重修僊居縣志  卷十九 詩內編

心知衡岳路不怕去人稀船裏誰鳴磬沙頭自曝衣有家從小
別是寺卽言歸料得逢春住當禪雲滿扉

蠻家

領得賣珠錢還歸銅柱邊看兒調小象打鼓試新船醉後眠神
樹耕時語瘴煙不逢寒便老相問莫知年

蒼梧雲氣

何年化作愁漠漠便難收數點山能遠平鋪水不流溼連湘竹
暮濃蓋舜墳秋亦有思歸客看來盡白頭

宿胡氏溪亭

獨住水聲裏有亭無熱時客來因月宿牀勢向山移鶴睡松枝

定螢歸葛葉垂寂寥猶欠伴誰爲報僧知

送華陰隱者

往往到城市得非徵藥錢世人空識面弟子莫知年自說能醫
死相期更學僊近來移住處毛女舊峯前

欲別

花時人欲別每日醉櫻桃買酒金錢盡彈箏玉指勞歸期無歲
月客路有波濤錦段裁衣贈麒麟落剪刀

留別張郎中

省中重拜別兼領寄人書已念此行遠不應相問疎子城西並
宅御水北同渠要取春前到乘閒候起居

重修僊居縣志

卷十九

詩內編

小古鏡

字已無人識惟應記鑄年見來深似水攜去重於錢鸞翅巢空
月菱花遍小天宮中照黃帝曾得化爲仙

題太白山隱者

高居在幽嶺人得見時稀寫籙局虛白尋僧到翠微埽壇星下
宿收藥雨中歸從服小還後自疑身解飛

病中懷王展先輩在天台

枕上用心靜唯應改舊詩強行休去早暫臥起還遲因說來歸
處卻愁初病時赤城山下寺無計得相隨

邊州客舍

開門不成出麥色徧前坡自少詩名在如今白髮多經年無越
信終日厭蕃歌近寺居僧少春來亦懶過

邊游

古鎮門前去長安路在東天寒明埃火日晚裂旗風塞館皆無
事儒裝亦有弓防秋故鄉卒暫喜語音同

夜泊淮陰

夜入楚州煙煙中人未眠望來淮岸盡坐到酒樓前燈影半臨
水箏聲多在船乘流向東去別此易經年

遠水

渺渺浸天色一邊生晚光闊浮萍思遠寒入雁愁長北極連平

重修僊居縣志

卷十九

詩內編

三

地東流卽故鄉扁舟來宿處髣髴似瀟湘

寄坐夏僧

坐夏日偏長知師在律堂多因束帶熱更憶剃頭涼苔色侵經
架松陰到簟牀還應鍊詩句借臥石池傍

寄盧式

到處人南望未知何日回寄書頻到海得夢忽聞雷嶺日當秋
暗螢花近臘開白身居瘴癘誰不惜君才

泛溪

溪船泛渺瀰漸覺滅炎輝動水花連影逢人鳥背飛深猶見白
石涼好換生衣未得多詩句終須隔宿歸

送顧少府

作尉年猶少無辭去路賒
漁舟縣前泊山吏日高衙
幽景臨溪寺秋蟬織杼家
行程須過越先醉鏡湖花

華頂道者

僊人掌中住生有上天期
已廢燒丹處猶多種杏時
養龍於淺水寄鶴在高枝
得道復無事相逢盡日棊

送友人之永嘉

長貧知不易去計擬何逃
相對人愁別經過幾處勞
城連沙岫遠山斷夏雲高
猶想成詩處秋燈半照濤

荊州夜與友親相遇

重修僊居縣志

卷十九

詩內編

四

一

山海兩分歧停舟偶似期
別來何限意相見卻無辭
坐永神疑夢愁繁鬢欲絲
趨名易遲晚此去莫經時

送友人之江南

東南路苦辛去路見無因
萬里此相送故交誰更親
日浮汀草綠煙霽海山春
握手無別贈爲予書札頻

歸家山行

獻賦才何拙經時不恥歸
能知此意是甘取眾人非
遍隴耕無圃緣溪釣有磯
此懷難自遣期在振儒衣

長安書懷呈知己

江湖歸不易京邑計長貧
獨夜有知己論心無故人
一燈愁裏

夢九陌病中春爲問清平日無門致出身

途中逢友人

長大有南北山川各所之相逢孤館夜共憶少年時爛醉百花酒狂題幾首詩來朝又分袂後會鬢應絲

和李中丞醉中期王徵君月夜同遊澹水舊居

醉後情俱遠難忘素澹間照花深處月當戶舊時山事想同清話歡期一破顏風流還愛竹此夜尚思閑

杭州江亭留題

詩載翟灝湖山便覽

處處日馳銷憑軒夕似朝漁翁閒鼓棹江鳥戲迎潮樹間津亭密城連塢寺遙因誰報隱者向此得漁樵

重修僊居縣志

卷十九

詩內編

五

宿山寺

栗葉重重覆翠微黃昏溪上語人稀月明古寺客初到風度閑門僧未歸山果經霜多自落水螢穿竹不停飛中宵能得幾時睡又被鐘聲催著衣

送宮人入道

願隨僊女董雙成王母前頭作伴行初戴玉冠多悞拜欲辭金殿別稱名將敲碧落新齋磬卻進昭陽舊賜箏且暮焚香繞壇上步虛猶作按歌聲

山行

青樾林深亦有人一渠流水數家分山當日午回峯影草帶泥

痕過鹿羣蒸茗氣從茅舍出
縹緲聲隔竹籬聞行逢賣藥歸來
客不借相隨入島雲

憶朝陽峯前居

每憶閑眠處朝陽最上峯
溪僧來自遠林路出無蹤
敗褐粘苔遍新題出石重
霞光侵曙發嵐翠近秋濃
健羨機能破安危道不逢
雪殘雲到閣庭午鶴離松
此地虛爲別人閒久未容
何時無一事卻去養疎慵

落第後歸觀喜逢僧再陽

相逢須強笑人世別離頻
去曉長侵月歸鄉動隔春
見僧心暫靜從俗事多屯
宇宙詩名小山河客路新
翠桐猶入鑿青鏡未光緒
僊居集卷十九詩內編
六
離塵逸足常思驥隨羣
且退鱗晏乖紅杏寺愁在
綠楊津羞病難爲藥開眉
懶顧人

江村夜泊

日落江頭黑前村人語稀
幾家新處裏一火夜漁歸

寄韋秀才

荆臺蘭渚客寥落共含情
空館相思夜孤燈照雨聲

小院

小院無人夜煙斜月轉明
清宵易惆悵不必有離情

贈別

魚在深泉鳥在雲從來只得影
相親他時縱有逢君處應作人

問白髮身

孫邵

字希韓乾甯進士仕校書郎

古意二首

屈子生楚國七雄知其才介潔世不容跡合藏蒿萊道廢固命也瓢飲亦賢哉何事葬江魚空使後人哀

魏禮段干木秦王乃止戈小國有其人大國柰之何賢哲信爲美兵甲豈云多君子戰必勝斯言聞孟軻

春日早朝

三嚴望仗正徘徊曙色盈盈正殿開青瑣侍香扶日出紫雲護闕擁山來班聯鷓鴣驚僊官舞影動龍蛇淑氣催禁祕天顏常咫尺

光緒僊居集

卷十九

詩內編

七

尺小臣願進萬年杯

長信宮

一從同輦辭君寵已分齊紈賦妾詩別院花紅休悵望亦曾開在阿嬌時

宋 林放

字達本大觀中舉八行不就卒左譽銘其墓

贈琴僧

楓林凋落雲影垂松風獵獵鼓寒威偶來禪房訪虛寂上人爲我彈金徽此調悠悠泯千載今日忽聞一嗟咨上人所彈不在指我亦非由耳聽之霜天玉磬敲清曉夜半秋聲動翠微舉世紛紛愛箏筑寂寥古意誰能知過門不是鍾期子慎勿汗漫拂

朱絲

東山高臥

三間老屋青山幽清風灑灑寒颼颼脫巾坦腹臥其下此身直
與淵明儔老松飛翠落夏簟六月不暑涼於秋人生百年一夢
幻世間萬事空悠悠一聲野鶴忽驚醒山爐活火茶煙浮

蔣旦

字澹然政和五年進士官承議郎

柘川漁火

桃浪流香春雨餘漁燈深夜出溪湄半篷明滅風生處數點微
茫月上時影落沙汀鷗夢斷光搖蘆葦雁棲遲明朝解纜滄浪
外濯足船頭唱竹枝

光緒僊居集

卷十九

詩內編

八

孟大武

字世功以從軍得召或謂即孟灝政和五年特科

春日晚望

屋角風微煙霧霏柳絲無力杏花肥朦朧數點斜陽裏應是呢
喃燕子歸

吳芾

字明可紹興二年進士仕至龍圖閣學士謚康叔著

和陶勸農韻勉吾鄉之學者

士農工商古有四民惟儒最貴但患非真誠能力學進必有因
倘或中輟豈能為人

譬如田家所仰黍稷要當早夜勤於種值惰而自安不稼不穡
歲云暮矣何由足食

吾鄉人物散處川陸豈無秀民生而清穆亦既從師步趨隨逐亦既窮經訪尋歸宿

奈何人性易流難久纔及長成卽求配耦稍得其資復營南畝自暴自棄有同游手

大抵名儒豈患窮匱大抵外物豈在僥冀學成道尊富貴自至不學空虛非惟自愧

縱得美官人亦見鄙若博羣書更堅素履雖處常流亦超塵軌一旦進爲必兼衆美

和陶命子韻示津調官

我愛二龔絕勝二唐克著清節終始有光夫豈不知伊傅在商

光緒僊居集

卷十九

詩內編

九

相湯洎高俱致明昌

又豈不知道否晚周天縱將聖獨有孔邱卒老於行靡憚周流胡爲潔己恥事王侯

曰豈不欲效彼羣龍潤澤萬物助成歲功潛而不用夫豈自封充將有悔不顯其蹤

喬木千尋竟困斧柯屈原特立終隕汨羅水行地中尚值坳窠縱如賈誼猶滯長沙

勿謂吾身有才有德可以安世可以益國不善用之鮮爲不忒所以古人戒之在得

我幸此生不忘本始身雖朝廷心實田里所以暮年知足知止

以進爲憂以退爲喜
汝能傳家一第已及使進而爲不患無立柰何親老奉親爲急
莫待異時徒然涕泣
我不望汝勲業濟時縱得入侍朝夕論思欲供子職何如在茲
人能盡孝終豈遠而
縱有餘力且親燈火讀破萬卷百倍於我我恨書少意不自可
汝能雪恥天亦見假
我本白丁恩及童孩雖由先德亦自書來汝誠博古爲世實才
時或未遇又何慊哉

和陶示周續之祖企謝景夷韻寄朱元晦

光緒僊居集

卷十九

詩內編

十

我愛朱夫子處世無戚欣淵明不可見幸哉有斯人柰何不苟
合進用苦無因夫子於此道妙處固已臻尙欲傳後學使聞所
不聞顧我景慕久願見亦良勤第恨隔千里無由能卜鄰安得
縮地杖一到建溪濱

和陶與殷晉安別韻送陳順之赴官

子往治畿邑趣裝亦良勤惠然來過我話別更情親顧我老且
病已與死爲鄰獨思陪勝侶倍覺惜清晨忍唱陽關徹與子從
此分願子且少駐醉我甕頭春子雖未宦達意氣已凌雲今去
天尺五騰上豈無因要無求速化切莫慮長貧抱才能自重何
患不如人

和陶悲從弟仲德韻哭陳澤民

年來朋舊少大半已凋零人物如吾子共謂上青冥行年纔五十歎息負平生憶子初見我我意已先傾愛子器識遠仁子功業成縱不登要路亦必享遐齡貳邑曾未久早已聞政聲方將脫選調榮養娛親庭天公亦何事於此獨無情一旦棄我去不復見儀型痛傷風月夜空對酒尊盈

和陶阻風於規林韻寄陳時中

退處固云樂未免歎索居賴有陳使君情親如友于自應長相見豈謂各一隅我雖事跼伏閉門懶問塗無日不看山無時不面湖君尤我所愛良會安得疏縱不思風度亦欲聞緒餘會須成二老君意定何如

人皆有還往我獨無所之若不見君子誰與同襟期嗟我已衰老無復少壯時縱使善衛養豈能長在茲願言時命駕容我親色辭我已不强酒從今君莫疑

和陶詠貧士

士貧亦常事但視其所依苟能依於道暮景亦有輝淵明生亂世初不求奮飛爲貧聊一出違己卽言歸歸來坐衡宇無粟可療饑作詩詠貧士泰然曾不悲

淵明抱歸興未老辭華軒應謂于役人豈如歸田園在家貧亦好滿眼是風煙親戚可晤語書史可精研妻子識此意相對無

閉言時取新酒醜一笑中聖賢

我家未爲貧尚有綠綺琴手雖不能彈頗喜聞遺音時時命女
奴強於弦上尋聽罷方寸適取酒時一斟顏回與原憲平日我
所欽倘得從之游雖貧亦甘心

新春來未幾已見日在婁游人怕春去把酒卽獻酬折花各盈
把行歌滿道周貧者壁四立若不堪其憂亦復典春衣買酒呼
朋儔一醉人所嗜此外非所求

我愛徐孺子高名滿江干眾人皆欲仕乃獨恥爲官曾不憚辛
苦負耒營一餐清節映千古至今聞者寒洪州有祠宇我常瞻
其顏不覺愧汗下竟歸長掩關

光緒僊居集

卷十九

詩內編

十二

光景如春花身世如秋蓬淵明洞此理養拙不求工上獨思四
皓下獨憂兩龔出處雖或異心跡亦略同安貧抱全節雖窮亦
如通九原倘可作我欲以身從
入仕已四紀把麾還六州曾未見縣令有若淵明儔稍屈便引
去高致更風流醉臥衡門下曾無寒饑憂獨抱千金璧未許人
輕酬聲名傳不朽千古仰前修

和陶桃花源

我聞桃花源其先是秦世當時避地人歲久俱已逝其後長子
孫生理還不廢種桃以自營結茅以自憩有兒但發蒙初不工
六藝有田但收禾了不輸二稅有雞只晨號有犬不夜吠淵明

愛其真爲此成新製我从聞其風褰裳思一詣所慮路難通仍
恐水難厲夢寐不能忘抱恨知幾歲所恨天見私於此施嘉惠
貽我萬株桃漫山迷眼界卻勝武陵溪草樹相蒙蔽相去復不
遠只在吾廬外人號小桃源景物適相契

江行阻風又成數語呈江朝宗

平生航浙河不知幾往返豈不或滯留有時容幸免未若此番
來所向輒相反順水卽值風便風還阻淺夜來至奔牛一兩成
瓚建妻孥笑相看陡覺雙眉展謂可便及城假館少休偃平明
風橫生吹我船頭轉咫尺不可前安能達京輦客路固多艱我
行亦太蹇何當歸去來高臥青山遠一任雨兼風杜門都不管

光緒僊居集

卷十九

詩內編

十三

寄題楊宰清畏軒

古人貴慎獨舉世知者希末俗事誇耀常患不我知楊子有雅
尚傳家守清規折腰三十載不辭州縣卑猶慮與衆異憂讒還
畏譏開軒揭華榜卻恐非其宜要當且用晦處靜藏天機昔賢
忌獨清此語非吾欺

和陳國佐亦愛堂韻

紛紛當世士盡道休官去自墮塵網中誰能復回顧重爲軒冕
惑一念遂差互要當發深省悟此形皆寓奔馳徒擾擾靜中有
奇趣夫子廊廟才華途昔榮遇富貴方迫逐脫身一何遽蓋恐
負初心或爲名所誤獨尋陶淵明三逕歸來處親朋續舊遊寢

食安故步詩成月滿窗坐久塵生屨箇中有真樂自足慰遲暮
我方困長途因公識歸路讀公寄傲篇更覺忘世慮有如逃空
虛傾耳聽韶護念此有恨身歲月空復度他時願卜築結茅相
近住如公邁往姿平生已心慕我雖負俗累胸中無好句倘獲
從後塵登高亦能賦

和王夷仲詠施粥

伊昔豈無旱赫日流金石伊昔豈無水巨漫連天白未若去歲
風飄忽幾終夕時方屬新秋稻子半黃赤倏然捲地來一掃不
遺力但覺田畝空不見倉箱積餘禍及吾民來春有饑色巡門
鬻妻子不足充貴糴往往成流離有家歸不得我方還里閭正
光緒僊居集卷十九 詩內編

十四

值此艱厄有心懷拯救不寐欲通昔念無捐廩人此意空憤激
民饑猶已饑吾甯忍獨食作糜倒瓶粟恨不及九百糾合族與
鄰樂從有吾叔豈但一時利永作他年額要令里中人自此長
飽德雖或有凶年不復更他適鄭罕與宋樂未足爲匹敵厚施
報必豐會須看他日

機簡堂余里人也在外方三十年未識其面乾道己丑
余帥豫章乃自圓通來謁與之款語連日忘疲不謂末
法中有此龍象且喜余里之有人因其歸作詩以送之

我家石井旁山水非不奇所恨過從少無與同襟期獨幸里巷
間高僧有二機大機傳祖印海內聲名馳晚歸結草菴杜門人

莫窺嗟哉已物化不見三十碁我爲銘其塔世猶仰清規小機
真龍象方爲人天師宴坐一禪榻天花零亂飛聞名亦二紀頗
媿會面稀忽自廬阜來訪我江之湄共說無生話不覺日晷移
顧我麋鹿姿久欲脫馬羈來日能有幾擾擾將何爲一點退閑
心不謂師已知祇俟及新歲上章力丐歸師倘還故里願言款
柴扉我雖無長物亦有筇一枝正欲穿林壑相與窮幽微庶幾
進乎道盡洗平生非

答客難

我治湖上園占斷山水窟幽事日相關頗覺無暇逸有客來相
遇云欲救我失謂我雖愛閑未得居閑術眾人役利名公獨役

光緒僊居集

卷十九

詩內編

十五

景物固與眾人殊未免俱汨沒孰若淡無營燕坐一虛室百念
盡消除百事俱真率物來則應之豈可自撻拂客言非不忠我
意客未識萬物仗境生百果因花實我聞洛陽城名園渾比迹
至如司馬公樸素世莫及有園號獨樂晚歲亦加葺人心固不
同豈能盡如一顧我病且棄行年將七十光景去不留餘齡那
可必要當且逍遙樂此桑榆日甯如土木偶終朝長兀兀況有
佳山水茲焉久蟠鬱地靈盡發露一日爲我出若不一領畧無
乃太拘執何妨几席間時與相顧揖擇勝把酒杯搜奇入詩筆
猶恨景物多未能盡收拾他人視若忙我心常自佚人無所用
心先聖每恐疾旣不學羣兒詫僊仍佞佛不有博奕乎爲之猶

勝弗客既聞斯言語塞幾若訥因爲客書之聊以誌髣髴會須
畫成圖記取王摩詰

湖山遣興

我在小西湖浩渺仍清曠大旱未嘗枯久雨亦不漲灌溉數千
頃無欠亦無長中有十里荷花開密相傍疑若水仙遊波間張
供帳旣列萬紅糝復陳千彩仗風細月明時天香互飄蕩縱有
老畫師丹青難髣像我心如死灰萬事俱廢忘獨於此畱情曾
不忘一餉日日繞岸行踏破屐幾兩無以寄幽懷誅茅聊小創
開窗面湖光納此無盡藏冀得日臨賦少效陶元亮用以償素
心庶不孤雅尙每自謂生前足可供酬唱偶未脫世緣一出成

光緒僊居集

卷十九

詩內編

十六

率強紅塵四十年白髮三千丈勞力復勞心時時撻拙惹夢寐
到湖邊恨無縮地杖迨今始歸休掛冠長湖上坐看水中天依
然涵萬象近樹與遠山倒影還彌望驚湍瀉兩闌飛瀑來千嶂
沙頭鷗鷺集水面龜魚漾似認舊主人有意來相向時方夏初
臨雨霽天風颺日影烘微雲水紋細生浪徘徊至夕陽迤邐扁
舟放恍覺此身輕有如在崑閬我病雖不飲亦爲傾家釀酒酣
逸興來懷抱益舒暢嗟我本寒儒百種無一樣晚有田與園所
得已過當今更享此湖重慚踰分量是豈人之力無乃天所貺
惟是頑鈍姿年衰多俗狀塵痕滿衣襟攬鏡空感愴要當盡洗
濯見我本來相心跡喜雙清從人詫官況

紀夢

平生好山水至老心不移每聞有佳處欲見惟恐遲相去雖云遠不憚腳力疲縱不能得到夜夢必見之晚歲卜築地一半在翠微山水既俱勝景物還相宜旁人來覩此已自心目怡若乃夢中見則又遠過斯高山與流水到處皆崛奇其間有樓觀金碧仍相輝幽深極險怪皆世所未窺謂必神僊窟非世所得知不謂我凡骨乃獲來遊嬉恍然若驚覺有如天上歸是豈造物者不與人相違知我有雅好特以此見詒嗟我年老矣萬事都棄遺猶有山水債未能忘夢思他日或蟬蛻百態不願爲只願海山去赴我赤松期

光緒僊居集

卷十九

詩內編

十七

家人生朝

相從四十年於今成二老向來苦宦遊頗恨歸不早我家枕湖上髣髴如蓬島今始得歸老方喜開懷抱復值君誕辰滿目春光好幸有酒千鍾足可共傾倒要須且沈酣莫被閒愁惱我方務清虛志不在金寶亦復戒浮華意豈在花草但願享遐齡白首長相保

生朝偶成

今晨是生朝今夕是除夜年年聚親朋往往羅酒炙而我忽抱疴見酒輒避舍一滴不沾唇何事相慰藉人生能幾許今已迫衰謝病軀復如斯令人發悲詫展轉竟無眠作詩訴同社

送津兒之官麗水

憶我初仕時不敢望高位但得宰一同便可行已志實惠倘及
民死亦有生氣況復著陰功子孫將不墜胡爲人憚之百計欲
求避我聞事無難辭難豈爲義世路雖多艱宦途須歷試是用
俛吾兒在當民社寄眷言古括州山水有奇致我尚記昔年嘗
爲郡守貳雖無德在人人亦安平易百里聞汝來想見多忻慰
要當盡此心有以塞其意誠能使吏民曰此知懷畏家家各安
居人人共稱治縱或罹謗傷固自有公議有如汝所存俯仰似
無愧功名餘事耳何必成與遂年來我掛冠方得閒中味無乃
逼桑榆七十仍有二知幾復何時得見汝娛侍雖幸枕湖山已

光緒僊居集

卷十九

詩內編

十八

關幽栖地有詩誰伴吟有酒誰同醉正欲汝相隨俄然又相離
會須早歸來日作斑衣戲箇中有真樂豈必三旌賁

哭元帥宗公澤

嗚呼哀哉元帥公百世一人不易逢堂堂天下想風采心如鐵
石氣如虹正色立朝不顧死半生長在謫籍中真金百鍊愈不
變流水萬折歸必東落落奇才世莫識欲知勁草須疾風維時
中原丁禍亂胡氛漲天天濛濛眾人畏縮公獨奮毅然來建中
興功雄圖一定百廢舉復見南陽起臥龍嗚呼哀哉元帥公翩
然遺世何忽忽無乃天上亦乏才故促我公還帝宮公還帝宮
應有用何忍坐視四海窮吁哉四海正困窮與仆植僵賴有公

公雖居東都天下日望公登庸公今既云亡天下不知何時康
正如濟巨川中流失舟航當今士夫豈無人請問誰有公器業
誰如公忠良公雖不爲相德望震要荒公雖非世將威稜讐豺
狼偉哉奇節冠今古我試一二聊鋪張靖康元年冬敵人正披
猖廟堂驚失色愁覩赤白囊公首慨然乞奉使欲以口伐定擾
攘朝廷是時未知公公之忠志不獲償憂國耿耿思自效再乞
守土河之旁命下得磁州翌旦徑束裝下車未三日邊騎已及
疆敵人聞之亟退舍匹馬不敢臨城隍頃之得兵數十萬康邸
賴公王業昌及公領留守北顧寬吾王恩威兩所得春兩兮秋
霜除殘曾不勞危弱成安強姦雄悉膽落誰敢亂紀綱嗚呼哀

光緒僊居集

卷十九

詩內編

十九

哉公死矣民今有粟安得嘗敵人乘我虛近復陷洛陽洛陽去
東都雉堞遙相望不聞敢侵犯豈是軍無糧祇畏我公霹靂手
氣攝不復思南翔嗚呼哀哉公死矣秋高馬肥誰與防天子久
東狩去冬幸維陽都人心戀主謂言何相忘朝夕望回輦斷腸
遣斷腸公獨以死請再請意愈剛嗚呼哀哉公死矣萬乘何當
歸大梁咄咄肉食人尙踵蔡與王姦諛蔽人主痛毒流萬邦人
怨天且怒喜氣猶洋洋所冀我公當軸日盡取此曹膏劍鏖嗚
呼哀哉公死矣始知國病在膏肓我公我公經濟才設施曾未
竟所長但畱英氣於後世永與日月爭輝光此死於公亦何憾
顯我但爲天下傷我聞天下哭公者哀痛不翅父母喪父母生

我而已耳豈能保我身無殃都人此時失所依波迸東下紛蒼
黃我公我公不復見秋風在處生淒涼百身倘可贖我願先以
微軀當靈丹倘可活我願萬金購其方彷徨愧無起公計安得
長喙號穹蒼嗚呼哀哉元帥公太平時節君不容及至艱難君
始用民之無祿天不從嗚呼哀哉元帥公古來有生皆有終唯
公存亡繫休戚千古萬口長怨恫嗟我草茅一賤士念此抑鬱
氣拂胸衝哀揮涕何有極願以此詩銘鼎鐘

癸巳歲邑中大歉三七姪捐金散穀以濟艱食因成三十韻以紀之

吾家二姪非常兒自幼讀書常下帷平居事母盡孝道力供子

光緒僊居集

卷十九

詩內編

二十一

職曾無違辛勤農畝三十載頓立門戶成家肥恥同流俗事驕
吝好賢樂善常怡怡聞人急難如在己見義踴躍無不爲造橋
砌路未爲德折券釋逋未足奇究其存心用意處尤在邑人艱
食時此邑山多土田少民貧自昔難支持其間歲收數百斛已
爲富室他可知況復今年苦亢旱州里遠近咸告饑田疇彌望
總如燎細民未免俱流移縱使人能保常產亦復有甑無米炊
雖幸朝家行賑濟正恐未能徧羣黎往往傾村走山谷荷鋤掘
地尋蕨其取根爲粉雖可飽食之既久人亦羸春來必至生疫
癘死填溝壑夫何疑吾姪見之軫憂惻首議倡率輸家貲既捐
青蚨二百萬猶恨糴貴難療饑庾中僅存三千石一旦傾倒盡

散之此心但欲濟鄰里身外浮名非所希吁嗟薄俗務貪鄙計較升斗爭力錐徒知富有可潤身豈慮人怨親戚離有如吾姪爲此舉吾鄉自古應亦稀小惠所施固未博風義自足洗澆漓倘使人人皆若爾千里豈復憂餒時第願吾姪廣此意所爲盡從今日推陰功在人天必報會俛爾壽膺繁禧梓里遺芳傳未艾世有子孫攀桂枝豈惟同里共歆豔亦使吾族增光輝老夫無以示旌勸聊爲吾姪題此詩

詠海棠

古人花譜名浮實獨有海棠真第一我家千樹足奇花晚得此花尤傑出每逢春色鼎來時爭逞新妝媚晴日渾如酒暈入香

光緒僊居集

卷十九

詩內編

二十一

腮宛似燕脂施玉質雨後妖嬈倍有情天然富貴曾無匹夜深燭下更端相睡起還疑春思鬱老來百事盡疏慵頗喜與花時款密豈知半落向江城驟爾乖離心若失試從僻陋強搜尋偶得一株天所乞纖枝雖瘦不禁春亦有花光相照拂一時遊子覩爭先共歎凡花難跋及愈令倦客憶故園不覺淚沾衫袖溼

王若夫謂水晶蒲萄本出其家求詩

君家蒲萄天下奇奴視百果何其卑種成滿架日藩衍清似水晶甘若飴八月江南風日美正是人家酒熟時盤中珍果有如此誰數閩中生荔枝鄉人歆豔競分種不過數年條已萎胡爲君家植此樹閱歲數十如新移我聞尤物天所靳盛衰頗與人

相隨君家令祖有賢行一邑遠近人爭推少雖失身事刀筆吏
之操術皆恥爲處心積慮人莫及奉法循理古亦稀人與黃金
目不視身居暗室心不欺退處郊垌忍窮困只教子孫爲布衣
天公無以表純懿特以此果先見貽其孫努力效儒業表表穎
出非常兒未壯果能立門戶直上蟾宮攀桂枝自餘雖未登上
第亦已飛鳴到禮闈俱傳清白守家訓端若此果光陸離今君
旣收以餉我又復琢句形聲詩願君採折多醞釀積千萬石爲
酒池客來自此酌不竭永永百年供壽卮

寄劉與權與幾

君在桃源山下居我家相距百里餘神僊襟韻固異稟草木臭

光緒僊居集

卷十九

詩內編

二十二

味曾不殊一日京華定交契十年太學論詩書斷金高義薄雲
漢闕視在在輕俗徒一時儕輩稍推許二劉之外稱三吳風雲
際會有早晚一吳近已聯朝裾四子徒懷經濟術躋躋今猶臥
海隅蒼生顛顛未蘇息大意其肯終舍諸丈夫遇則行所學未
遇不應老腐儒共約天台最深處考定古今相與俱所冀激昂
平日志力取功名據壯圖誰知人事竟好乖合并欲進還赧赧
空堂獨坐弔形影仰天不覺興長吁卻憶長安日相親如友于
一朝不會面猶且嫌跡疏何況久睽隔動見歲月除竟負雞黍
約中心當何如窗開琴數弄花下酒一壺自歌還自酌此意君
知無聞君南塘富山水清虛曠絕如西湖好藏頭角俟雷雨他

年同躍天之衢

三老圖既成欲作詩未果因次任漕韻

我久欲作三老詩苦無佳句能解頤抽軋鄙思成無期有語欲吐還茹之忽得新篇向此詩恍如春草生謝池明珠萬斛光陸離璀璨不減珊瑚枝壓倒元白頭欲垂直與李杜肩相差使我手把不停披憶乍梅花吐瓊蕤枝頭愛日仍舒遲雖恨捧觴無翠眉吾人臭味自相宜花下清歡聯共追嗟我老來意氣衰歸心已決不復疑雖來江右把一麾但知痛飲真吾師尊前況逢冰雪姿豈容不醉負屈卮二老攬轡方並馳一氣相和如壘麩百花感化熏蘭芝不事威怒轟雷推後園探春容我隨開懷笑

光緒僊居集

卷十九

詩內編

二十三

語何熙熙丹青寫此一段奇未羨九老洛水湄何日歸去山之厓時命柴車載鴟夷相逢徑醉莫問誰飲盡不妨尋酒旗

暮春感懷和沈汝能韻

是處兵戈滿誰言宇宙寬戰聲驚膽破春色入心酸北狩天涯遠東巡海氣寒孤臣淚欲盡愁夢亦隨鑾

和胡經仲卽事

世事憑誰論羈懷只自諳風煙悲蜀魄桑柘老吳蠶晚步惜殘照春山怯曉嵐日來鼙鼓近牢落愈無堪

二月晦日勸耕石城

春曉喜新晴聊爲野外行殘花紅雨亂垂柳綠絲輕路入藏雲

寺山圍走馬城空餘懷古意往事與誰評
經年營吏役今日作春遊梅雪隨風去桃花逐水流已經時節
晚還歎物華休擾擾終何補歸與老一邱

和王夷仲韻

故人聲氣合交契久彌深不棄荒村陋來分古木陰意傾陳篤
論興發出高吟豈料逃空谷猶聞正始音

和魯漕喜雨韻

下車逢好雨清興一何長暑退郊原爽風生院落涼登樓延夜
月遶樹探秋香況得陪詩杜從容樂歲穰

和王夷仲雪中見貽

光緒僊居集

卷十九

詩內編

二十四

歲晚端居寂寞濱雪花零亂更愁人捲簾已覺青山老入座仍
添白髮新寫景自憐佳句少論交還喜宿心親來詩況復清如
雪想見吟成泣鬼神

三月十一日風雹

向晚欣逢霽色開方思花下共銜杯一時雨雹排簷急萬里風
雲捲地來埽蕩千花真可恨摧殘二麥亦堪哀賞心樂事俱休
矣惆悵青春去不回

送王龜齡得請還鄉用龜齡貢院詩韻

王十朋字龜齡
樂清人

兩馳章奏叩天關只願歸來老故山愧我尙畱牽吏役羨君先
去得身閒冥鴻已逐高風舉倦鳥終隨落照還尚擬杖藜尋舊

約雁峯深處共躋攀

春閱偶成

曉驅千騎出郊坰極目江天萬里晴風入鼓鼙聲益壯日烘旗
幟色增明安邊雖是難忘戰和眾由來在戢兵但願從今烽燧
息早歸林下看昇平

大閱歸來日未西柳絲搖曳草萋迷桑開蟬翼枝方綠麥露鰕
鬚穗半齊池面新荷爭出水道旁飛燕競銜泥風光撩我歸心
動猶喜初無杜宇啼

肩摩袂屬擁如山夾道爭看大閱還無限兒童齊拍手幾多父
老盡酡顏人方共樂青春好我亦常欣白晝閒無柰老來歸念
光緒僊居集卷十九 詩內編 二十五
重夢魂夜夜遶鄉關

得三舍姪書云二月二十五日同族人至湖山賞海棠
花枝繁麗宛如神僊窟宅感而有作

報言宗族競尋芳共到吾廬賞海棠亭下定知春爛漫花間想
見醉淋浪長年心著神僊窟此日身縻雲水鄉苦恨欲歸無羽
翼夜深魂夢只悠颺

見市上有賣海棠者悵然有感

見宋詩記事

連年蹤跡滯江鄉長憶吾廬萬海棠想得春來增豔麗無因歸
去賞芬芳偶然擔上逢人賣猶記尊前爲爾狂何日故園修舊
約賸燒銀燭照紅妝

僕平日聞有此生待足何時足未老得聞方是間之句
每歎服之恨不知作者姓名一日與魯漕話次方聞此
詩乃福唐余倅所作魯繼錄全詩及余君所夢始末見
示讀之使人益起懷歸之興因成小詩以記其事

寒士叨塵分已踰不爲歸計待何如暮年光景那能久浮世榮
華總是虛此去直須甘澹泊箇中元自有乘除因公拈起余君
話愈使衰翁憶故廬

誠能積行累功自有乘除乃余君夢中所
得司命真君語也

余年七十輒和樂天詩以自廣

已是年齡及七旬田園稍給未全貧兒孫初識傳儒業世俗還
稱作貴人門外湖山渾可樂沙頭鷗鷺更相親莫將塵事干吾
光緒僊居集卷十九

詩內編

二十六

慮已向君王乞此身

余既和樂天詩而喜於年及之心猶不能自己又復再
和

坐閱流年已七旬從前憂道不憂貧肯教世指爲癡漢只願鄉
稱作善人老去固應忘物我歸來豈是負君親嘗聞知進須知
退庶得終全不辱身

先子春秋僅八旬一生多難只安貧豈期有子登清禁亦復如
今作老人共羨浮榮光故里自慚實德忝吾親從前萬事皆踰
分只合歸休保此身

新歲妻孥慶七旬徧賙鄰里及孤貧高年滿座有醉客丐者塞

塗無餒人平日要同人喜樂此時甯閒物疏親餘生自度渾能
幾詎可徒勞負此身

謝子肅任崑山丞和余畱題舊遊詩復次韻謝之

謝深甫臨

海人後仕
至丞相

故鄉春好阻同遊誰與花前倒玉舟陳迹未能忘茂苑新詩俄
喜寄丹邱開緘已慰三年別展誦還消萬斛愁文行如君今日
少藍田甯許久淹留

澤民因誦樂天欲留年小待富貴富貴不來年少去之
句慨然有感遂廣此意作詩相示余以謂人之會遇各
自有時年少固不可留而時亦何可待樂天自不應出

光緒僊居集



卷十九

詩內編

二十七

此語而澤民亦不應爲此詩因反其意以和之

老去疏慵厭仕途歸來林下學真如不思身外千般事只占人
間一味愚但得清尊長對客縱添白髮亦從渠世間遠宦多憂
畏胸次還能似我無
勸君且醉甕頭春休把升沈累此身自古功名須遇主到頭富
貴不由人蟠胸器業元高世落筆詩章更出塵道在何憂年少
去九重前席會相親

和孟世功

名大武

老大疏慵一腐儒長年離索與誰俱杜門有意修黃老開卷無
心誦典謨不是穿林尋鶴鹿卽來臨水伴龜魚故人今日如君

少乘興還能過我無
不見風標六歲餘閒中應是樂琴書逢辰自合膺殊選遯世何
妨且隱居已愛新詩如沈謝更聽高論似嚴徐時來會有騰驥
日未許旁人笑闕疏

湖上遣興

閒來湖上覓清涼竹杖芒鞋野興長青嶂回環如洞府綠波澄
激似滄浪枝頭落絮隨風急水面浮魚逐餌忙自笑衰翁無箇
事悠然身世兩相忘

和吳致政韻

晚學知誰繼後塵鄉閭舊仰老成人門無車馬何妨靜室有詩
光緒僊居集卷十九 詩內編 二十八

書不厭貧闈裏抽身甘寂寞閒中覓句鬪清新杖藜草惜頻遇
我共醉牀頭滿榼春

守陳叔進

陳騃臨海人紹興二十四年進士省試第一
仕知參知政事

鄉里衣冠久不振後來猶喜有斯人曾爲蓬島神僊主端是儲
闈羽翼臣大節已觀能直已小淹何惜且臨民君家幸有佳山
水莫向他鄉別卜鄰

寄陳邦彥

陳良翰臨海人謚獻肅太子詹事敷文閣直
學士

自古中興用寶才正資賢哲共圖回若爲清禁挽不住亦效衰
翁歸去來幸有江山供笑傲更邀風月與徘徊得閒莫惜頻相
過伴我尊前笑口開

不須細細說行藏四十年來夢一場我得放歸心已足君能勇
退道尤光閉中倍覺林泉好鬧裏誰知日月長我已與君成二
老更將一節起吾鄉

余以庚寅十月十日抵敝廬今恰三年感而有作偶成
溯自洪都返故園今朝倒指已三年舉頭但見松筠長轉盼那
知歲月遷幸有青山長在眼休嗟白髮已垂顛此身倘未歸黃
壤花下猶堪醉聖賢

北望四首 七絕

延福池臺荆棘深上皇無復更登臨寂寥崇觀當年事愁絕關
河萬里心

光緒僊居集

卷十九

詩內編

二十九

漠漠黃雲塞草稀年年空說翠華歸孤臣淚盡仍嘗膽白首江
湖雁北飛

塞曲咿嘷愁斷腸羶車輾轉載啼妝漢家近屬三千客性命如
絲奇虎狼

河山關塞一萬里文武衣冠二百年四海蕭條宮殿去無人解
道取幽燕

建康值雨

去日已經泥滑滑歸時仍若路漫漫天公作惡非無意要見人
間行路難

陳庸

字時中紹興二十一年進士提點江西刑獄朱有子
輓詩祀三老堂

江左驛舍寄蔣文湖

雲水蒼蒼欲日闌
郵亭遙憶舊家山
故人兩地分南北
幾度相思鬢爲斑

蔣晉

字造道南渡初官評事忤時相棄職隱葛山

柘川漁火

玉川一帶光涵秋
漁艇縱橫網罟稠
西風日落寒煙暝
煌煌燈火明中流
數點如螢走絡繹
影趁流波瀉金液
一聲款乃明滅間
鄰雞又報東方白

郭晞宗

字宗之清熙五年進士終瓊管安撫使有漫齋稿

傷歌行

光緒僊居集

卷十九

詩內編

三十

長歌短歌傷如之何
伏樂恆少憂患孔多
死生兮東流逝水富
貴兮午夢南柯
烏雀螻蟻唯之與阿
轍環天下嗚呼邱軻

長歌行

拔劍斫地歌歌長
聲激烈借問歌何事
我意那得說天地
奠高下日月遞出沒
一氣斡渾茫萬化無
終極君子貫古今
小人計朝夕甯爲一
線溜終穿泰山石
莫磨一寸錐小利亦
何益

姑蘇臺

春花開秋雁來
長風幾度姑蘇臺
不見臺上人臺下
空徘徊一樹桐陰
生綠苔

白紵歌

遙夜遙遙夜未央井梧月白啼寒蛩感時念在誰不傷婕妤寵
絕辭昭陽手中團扇篋中藏吳姬織紵秋蟬翼一絲在還千情
積金粟尺量金斗熨爲君裁袍爲君惜同盛同衰莫相失

客中雨示徐元杰

客外日多雨聿茲天雨霜愁能知夜永夢不畏途長朝霧和雲
淨晴鳩喚婦忙無心搔短髮失喜理歸裝

簡蔣通府旦

譙樓更漏長客枕衾裯薄消息苦未真幽情向誰託
野闊風捲沙江空浪翻屋欲渡恨無梁徘徊結心曲

與谷口對菊

光緒僊居集

卷十九

詩內編

三十一

細蕊猶苞綠幽花旋翦黃但能香到死開晚亦何妨

陳作新

字基叔嘉定進士終和州教授

大廟靈泉亭

雲泓搏青嶂草路甃白石輪囷山木枯偃臥老龍瘠揚靈遡風
微湘娥踵遺跡雨露新疏封丹青隱畫筆亭扁標靈泉門軒誇
幽特臨風生晚涼拂石看古刻人事有廢興流水無終息千載
杜貞女清與水同色

郭磊卿

字子奇睢宗子嘉定進士歷諫垣終寶謨閣待制
與徐元杰輩號端平六君子謚正肅

寄韓澗泉仲止

在困多促促長懷特棲者崔嵬玉山岑其誰秣余馬朝隨澗雲

泊暮隨澗雲瀉光儀儼神交晤言冀真寫食魚不知味采菊不
盈把願垂白日影照我蔀屋下

浮雲安可攀高蹈何恨早處則爲遠志出則爲小草修名如鳳
翔嘉遯若龍矯遲棲二十年匣此不世寶灑露浦紅蘭涼吹發
清吳因之吐芳訛慰我夙昔抱

題顧德清竹居

繞庭惟種竹蕭散似君稀直幹和春瘦深林映日微寒聲驚鶴
夢疎影落苔衣門外紅塵滿無因向此飛

挽吳監獄

萍水當年共盍簪定王臺上越人吟相親直說到兒女一別那
光緒僊居集

卷一 九

詩內編

三十二

知成古今紅紫盡輸塵土輩丹青難寫雪霜心安昌弟子何寥
落讀罷長文淚滿襟

偶題

更無清興在杯觴不用蒲葵扇自涼月色淨時山鶴叫一庭秋
景藕花香

郭嘉卿

號冲菴嘉卿之兄由曹舉仕至兩浙轉運催發使
治祐中致仕賜號繼一處士御製詩送行

恭和聖製

侵尋暮景宦情輕納綠非沽勇退名報可盡膺丹鳳詔言歸且
隱赤霞城奎章疊拜宸恩重天語親承聖問清
報嗜閒慚更續簪纓

吳梅卿

字正叔嘉定十六年特科嘗從朱文公遊著有經說語錄仕終忠州文學

早梅

寒梅太牢落欲開春尚遲
嗟峨官道旁偃仰江水湄
東閣凭觀處西江稜植時
不同桃李妍偏與冰雪期
未葉花爭放餘香蝶莫窺
世無鐵石心誰能賦幽姿

吳機

字子發康肅孫潛熙特科知興州

題煙雨奇觀樓

此景儀真亦有年何人管領向樓前
江淮自昔雖南北煙雨從來肯變遷
萬里孤帆遺恨在半空佳句至今傳
諸公欲識當時意且對滄江汎酒船

光緒僊居集

卷十九

詩內編

三十三

吳諒

梅卿子端平特科

同友玩月南峯

山房有佳客山月似增明
何處來虛籟無雲點太清
旁觀花影瘦並坐石牀橫
夜氣侵人冷呼童問麴生

鄭雄飛

字景溫號慥堂端平進士官戶部侍郎

歸田卽事

世事紛綸歲序虛故鄉且自飽蓴鱸
柳風春動陶潛宅湖月晴開范蠡圖
老去藏身還適俗靜中齊物卻忘吾
青山應笑歸來晚慚愧疏家二大夫

張同甫

字孟莊舊志云端平特科

秋日憶友

閨闔風高白露秋蘆花如雪動邊愁故人迢遞天南北明月娟娟獨倚樓

陳仁玉

字德翰號碧樓特賜進士官兵部侍郎

題蘇端明書乳泉賦後

坡公謫海上人傳已僊去道逢章子厚遄復返塵路至言想世驚猶閱乳泉賦遙憐嵩山邱千古不可駐

遊洞霄宮

天柱峯頭疊紫煙遙看萬玉聳相連雲深九鎖疑無路翠割一區俄有天爽氣襲人森石樹噴雷飛雨響山泉翛然不類人間

光緒僊居集

卷十九

詩內編

三十四

世今日自驚平地僊

陳柏

字茂卿號南塘

花石行

銜聲一發千雕舞汴水黎童泣鼙鼓千年廢圃墮空荒蒼壁化為圃下土江南壯士鐵衣寒落日驅車望靈武瑤宮飛墜黑山巔淚灑紅花作紅雨天南羈鳥歸不歸故園草荒陵樹稀

思親

天外東風吹寒沙忽聞歸雁落梅花江城此日正春雨獨倚闌干心到家

趙時栗

字寬夫進士官海鹽主簿

遊武夷

千載武夷山山成九轉丹雲封拜章石字寫步虛壇白玉何勞
煮朱霞自可餐未窮溪上曲賴有畫圖看

萬壽 字愚公

中秋寄碧棲

秋色清如此秋花香柰何人生還健在月色況明多有酒君當
醉無愁我欲歌樓高俯松頂誰共酌姮娥

絕句

少日時時負百憂從人絡馬與牽牛中年置此身如竹荏苒風
前得自由

光緒僊居集  卷十九 詩內編

三十五

行機

號簡堂居景星巖後入天台國清寺作偈趺坐而化尤尚書袁銘其塔

九日吳龍圖過訪

有客酬佳節攜壺扣竹關烏拖秋色去人帶夕陽還景物催詩
急乾坤借我閒了無塵世事終日坐看山

壹清 宋末僧最有名

寄無著

逢人稱宿臘元解少人知俗濁惟貧飲禪高不碍詩水邊秋杖
履石上雪鬚眉鷄犬添鄰曲還同賦紫芝

寄萬前輩

歸從衡岳此身清老校羣書眼倍明白星有田供伏臘青雲無

夢到公卿頻桃野菜招僧至少著深衣入郭行早歲自嗟行役
遠失將詩律問先生

光緒僊居集

卷十九

詩內編

三十六

